



REPUBLIKA E SHQIPËRISË  
BASHKIA ROSKOVEC  
DREJTORIA E SHËRBIMEVE SOCIALE DHE KULTURORE

Nr. 7052 Prot.

Roskovec, më 22, 08 2025

**PROJEKT- VENDIM**

NR. 48 DATË 22, 08, 2025

**“PLANI I ARSIMIT PARAUNIVERSITAR 2026 – 2028”**

Në mbështetje të ligjit nr. 139/2015 “Për vetëqeverisjen vendore”, neni 54, gërma”k”, i ndryshuar; të ligjit Nr. 69/2012 “Për sistemin arsimor parauniversitar në Republikën e Shqipërisë”, i ndryshuar ,ju paraqesim;

**Për diskutim dhe miratim:**

1. Planin i Arsimit Parauniversitar 2026 – 2028 të Bashkisë Roskovec, bashkëngjitur këtij dokumenti.

2. Pas miratimit të këtij projektvendimi , ngarkohet për zbatim Drejtoria e Shërbimeve Sociale dhe Kulturore, Drejtoria Ekonomike, Drejtoria Planifikimit dhe Zhvillimit të Territorit, Mjedisit dhe Pronës si dhe Drejtoria e Politikave Ekonomike dhe Promovimit të Bashkisë .

Konceptoi: E.Baxhia

Miratoi: S.Cepele

Për Drejtorinë Juridike: S.Kuka

**KRYETAR**

Majlinda Bufi

**NË MUNGESË DHE ME URDHËR**

**ZËVENDËSKRYETAR**

Maksim Goga





REPUBLIKA E SHQIPËRISË  
BASHKIA ROSKOVEC  
DREJTORIA E SHËRBIMEVE SOCIALE DHE KULTURORE

Nr. 7052/1 Prot.

Roskovec më 29 2025

RELACION PËR  
PROJEKT VENDIMIN  
"PËR MIRATIMIN E PLANIT TË ARSIMIT PARAUNIVERSITAR TË BASHKISË  
ROSKOVEC 2026 - 2028 "

**Të nderuar Këshilltarë !**

Mbështetur në ligjin 139/2015 "Për Vetëqeverisjen Vendore", i ndryshuar nenin 8 pika 2, Ligjit nr. 69/2012 "Për sistemin arsimor parauniversitar në Republikën e Shqipërisë" i ndryshuar, propozojmë të miratohet nga Këshilli Bashkiak, "Plani i arsimit parauniversitar" në Bashkinë Roskovec 2026-2028.

Plani i Arsimit Parauniversitar i Bashkisë Roskovec 2026 – 2028 , është hartuar si pjesë e angazhimeve ligjore dhe institucionale të bashkisë për garantimin e ofrimit të shërbimeve arsimore cilësore, të aksesueshme dhe të përputhshme me nevojat e komunitetit.

Plani është hartuar në zbatim të kuadrit ligjor dhe strategjik kombëtar dhe vendor, **konkretisht:**

- Ligji nr. 69/2012 "Për sistemin arsimor parauniversitar në Republikën e Shqipërisë", i ndryshuar;
- Ligji nr. 139/2015 "Për vetëqeverisjen vendore";

Aktualisht, Bashkia Roskovec përfshin gjithsej 4 njësi administrative: Roskovec, Kuman, Kurjan, Strum të cilat përbëjnë bazën e ofrimit të shërbimeve publike, përfshirë arsimin parauniversitar, kopshtet dhe shkollat publike. Me 16,332 banorë( popullsi banuese,censi 2023) dhe mbi 380 fëmijë në moshë parashkollore, nevojitet një qasje e balancuar dhe e planifikuar. Analiza e situatës aktuale tregon se janë funksionale 17 kopshte dhe 15 shkolla( përfshirë vartëset) të niveleve të ndryshme.

Vizioni i bashkisë tonë është: Të sigurojmë për çdo fëmijë në territorin e Bashkisë Roskovec akses në arsim parauniversitar gjithëpërfshirës, cilësor dhe të drejtë, të zhvilluar në mjedise të sigurta e të përshtatshme, me mësues të përgatitur dhe mbështetje të vazhdueshme, duke e trajtuar arsimin si një shtyllë themelore për zhvillimin social dhe ekonomik të komunitetit, forcimin e barazisë dhe pjesëmarrjen aktive në jetën shoqërore dhe institucionale.

Duke u mbështetur në rrjetin ekzistues të institucioneve arsimore, nga kopshtet deri në shkollat e mesme dhe duke adresuar sfidat aktuale të aksesit, infrastrukturës dhe përfshirjes gjinore, Bashkia Roskovec ka për synim:

- Përmirësimin e infrastrukturës arsimore, për të garantuar kushte dinjitoze mësimi në çdo shkollë e kopsht;
- Përmirësimin e përfshirjes në arsimin parashkollor, duke mbështetur prindërit dhe rritur ndërgjegjësimin për rëndësinë e edukimit të hershëm;
- Zvogëlimin e pabarazive gjinore dhe sociale në ndjekjen e shkollës në të gjitha nivelet e arsimit parauniversitar;
- Rritjen e cilësisë së mësimdhënies, përmes investimit në zhvillimin profesional të mësuesve dhe përdorimin e metodologjive bashkëkohore;
- Forcimin e partneriteteve me komunitetin dhe institucionet arsimore për të mbështetur suksesin e çdo nxënësi.

#### **Qëllimi 1 (Q1)** Sigurimi i një mjedisi arsimor të sigurt, funksional dhe gjithëpërfshirës

Të garantohen kushte të qëndrueshme infrastrukturore dhe funksionale për të gjitha institucionet arsimore në territorin e Bashkisë Kolonjë, përmes mirëmbajtjes sistematike dhe investimeve të orientuara drejt standardeve bashkëkohore.

•**Objektivi 1.1** – Të sigurohet ofrimi i shërbimeve mbështetëse në mënyrë të vazhdueshme dhe efektive, duke përfshirë pagesat e personelit mësues në arsimin parashkollor dhe personelit ndihmës në kopshte dhe shkolla, mirëmbajtjen e ambienteve shkollore, përmirësimin e kushteve higjieno-sanitare, funksionimin e sistemeve të ngrohjes, furnizimin me kancelari, mjete didaktike, ushqim,

•**Objektivi 1.2** – Të investohet në përmirësimin e infrastrukturës arsimore, përmes ndërtimit ose rikonstruksionit të kopshteve dhe institucioneve arsimore, pajisjes me mobilie si dhe ngritjes së një sistemi elektronik për regjistrimin dhe menaxhimin e të dhënave të institucioneve arsimore.

#### **Qëllimi 2 (Q2)** Mbështetje për zhvillimin e plotë të fëmijëve përmes edukimit cilësor dhe përkujdesjes së integruar

Të sigurohet zhvillimi emocional, social dhe kognitiv i çdo fëmije përmes shërbimeve edukative gjithëpërfshirëse dhe mbështetjes psiko-sociale në mjedise të sigurta dhe përkujdesëse.

•**Objektivi 2.1** – Të përmirësohet cilësia e edukimit në institucionet parashkollore përmes mbështetjes së kopshteve me mjete dhe organizimit të trajnimeve për edukatorët dhe ngritjes së kapaciteteve të stafit për të ofruar një edukim të hershëm gjithëpërfshirës dhe bashkëkohor.

•**Objektivi 2.2** – Të forcohet përkujdesja sociale për fëmijët përmes angazhimit të mësuesve ndihmës, ofrimit të shërbimeve psiko-sociale, krijimit dhe fuqizimit të strukturave menaxhuese pjesëmarrëse (këshillat e prindërve dhe bordet e shkollës),

#### **Qëllimi 3 (Q3)** Zhvillimi i talenteve dhe ndjesisë së përkatësisë përmes veprimtarive jashtëmësimore

Të promovohet zhvillimi i potencialit krijues, fizik dhe social të fëmijëve përmes një kalendari të pasur aktivitetesh jashtëmësimore që nxisin shëndetin, bashkëpunimin dhe përfshirjen komunitare.

•**Objektivi 3.1** – Të organizohen rregullisht veprimtari kulturore, sportive dhe ndërgjegjësuere, si: ngjarje artistike, ekspozita, ditë ndërkombëtare tematike, aktivitete mjedisore dhe lokale, për të nxitur zhvillimin e aftësive dhe pjesëmarrjen aktive të fëmijëve në jetën shoqërore.

Plani përmban gjithashtu mekanizma të qartë të monitorimit, indikatorë matës të progresit dhe ndikimit, raportim vjetor, rishikim afatmesëm dhe pjesëmarrje të aktorëve lokalë dhe komunitetit në vlerësim.

Duke vlerësuar përmbajtjen e planit, qasjen strategjike dhe qartësinë e objektivave të tij, si dhe duke pasur parasysh domosdoshmërinë për të përballuar sfidat aktuale të arsimit në territorin e Bashkisë Roskovec mbështetur në Ligjin 139/2015 “Për Vetëqeverisjen Vendore”, i ndryshuar, Ligjin nr. 69/2012 "Për sistemin arsimor parauniversitar në Republikën e Shqipërisë" i ndryshuar,, paraqesim për shqyrtim dhe miratim projekt vendimin Planit të Arsimit Parauniversitar 2026–2028, si dokument udhëheqës i veprimtarisë arsimore dhe planifikimit buxhetor të lidhur me sektorin e arsimit parauniversitar.

Për këtë material, u zhvilluan dy konsultime publike në sallën e këshillit Bashkia ku të gjitha propozimet e diksutuara u reflektuan tek “Plani i Arsimit Parauniversitar 2026-2028”

**Konceptoi: Përgjegjës i Sektorit të Arsimit Parauniversitar dhe Cerdhes**

**Ervisa Baxhia**

**Konfirmoi: Drejtori i Shërbimeve Sociale dhe Kulturore**

**Suela Cepele**

**KRYETAR**  
**Majlinda Bufi**

**NË MUNGESË DHE ME URDHËR**

**ZËVENDESKRYETAR**

**Maksim Goga**